

15.

Feldkirch, 1318, Dezember 20.

Heinrich, Ritter von Schellenberg verkauft an Rudolff, den alten Ammann zu Feldkirch um 40 Mark Silbers, Konstanzer Gewicht den Kirchensatz zu Maur en und stellt als Gewähr en den Ritter Ulrich von Sax.

Allen den die disen gegenwirtigen brief. ansehen. lesent. alder horent. lesen. Tÿn Ich her h a y n r i c h Ritter von Schel / len - berch.<sup>1</sup> kÿnt. vnd vergihe offenlich an diesem <sup>a</sup> briefe. das ich mit gütem rate. mit güter betrachtungen. vnd / mit verhengnüste aller miner erben den kirchsatz ze M u r e n der min was mit allen den nvtzen. vnd mit allen / den rehten. als ich. vnd min vatter den selben kirchensatz vnz her hant gehebt. han geben ze köfene rehte. vnd redelich. R ù d o l f dem alten a m a n <sup>2</sup> ze V e l t k i r c h . vnd sinen erben vmb vierzich march silbers chostenzer geweges / des ich alles von im gewert bin. vnd das in minen nvtz komen ist. Ich und min erben sulen ouch des vor / genanden R ù d o l f s . vnd siner erben wer sin nach rehte. vnd vmb alle. vsrihtvnge. vmb den vorgehenden kirch / satz swa sie siner bedurfent an gaischellichem. vnd an weltlichem gerihte. vnd han im dar vmb gegeben hern V ï r i c h Ritter / v(o)<sup>h</sup>n S a x ze ainem troster vmb all (ver)rihtun(g)e des vorgeschriben kirchsatzes. vnd gebe dar vmb dem vorge / nanden R ù d o l f . vnd sinen erben d(isen) brief besigelt mit minem Insigel. vnd mit hern V ï r i c h s Insigel von s a x . / ze ainer of(fnen) warhait aller der vorge - schriben dinge. vnd gedinge. Ich her V ï r i c h Ritter von S a x vergihe / ouch an disem briefe. das ich bin tröster des vorgehenden. R ù d o l f des a m m a n n s vnd siner erben vmb alle vsrihtvnge. vmb den vorgeschriben kirchsatz. swa sie siner bedurfent an gaischellichem. vnd an weltlichem gerihte. / vnd han ouch disen brief besigelt mit minem Insigel. vnd han das getan durch des vorgehenden hern h a y n r i c h s / von s c h e l l e n b e r c h bete willen. — Ditz beschach ze V e l t k i r c h in der stat. vnd wart dirre brief gegeben do / man zalte von Christes geburte drwzehenhundert jar dar. nach in dem ahzehendem jare an sant / Thomas abende ----